

摘藻堂四庫全書薈要

集部

欽定四庫全書薈要

集部

御定全唐詩卷一百十七
八

欽定四庫全書薈要卷一萬七千五百五十二

集部

御定全唐詩卷一百四十七

劉長卿

(劉長卿)
劉長卿字文房河間人開元二十一年進士至德中爲監察御史以檢校祠部員外郎爲轉運使判官知淮南

鄂岳轉運留後鄂岳觀察使吳仲孺誣奏貶潘州南巴尉會有爲之辯者除睦州司馬終隨州刺史以詩馳聲上元寶應間權德輿常謂爲五言長城皇甫湜亦云詩

未有劉長卿一句已呼宋玉爲老兵其見重如此集十
卷內詩九卷今編詩五卷

逢雪宿芙蓉山主人

日暮蒼山遠天寒白屋貧柴門聞犬吠風雪夜歸人

送張起崔載華之閩中

朝無寒士達家在舊山貧相送天涯裏憐君更遠人

贈秦系徵君

羣公誰讓位五柳獨知貧惆悵青山路煙霞老此人

秦系頃以家事獲謫因出舊山每荷觀察崔公
見知欲歸未遂感其流寓詩以贈之

初迷武陵路復出孟嘗門回首江南岸青山與舊思

夜中對雪贈秦系時秦初與謝氏離婚謝氏在
越

月明花滿地君自憶山陰誰遣因風起紛紛亂此心

湘妃

帝子不可見秋風來暮思嬋娟湘江月千載空蛾眉

斑竹

蒼梧千載後斑竹對湘沅欲識湘妃怨枝枝滿淚痕

春草宮懷古

君王不可見芳草舊宮春猶帶羅裙色青青向楚人

正朝覽鏡作

憔悴逢新歲茅扉見舊春朝來明鏡裏不忍白頭人

瓜洲道中送李端公南渡後歸揚州道中寄

片帆何處去匹馬獨歸遲惆悵江南北青山欲暮時

送張十八歸桐廬

歸人乘野艇帶月過江村
正落寒潮水相隨夜到門
過白鶴觀尋岑秀才不遇

不知方外客何事鎖空房
應向桃源裏教他喚阮郎

聽彈琴

泠泠七絲一作弦上靜聽松風寒
古調雖自愛今人多不

彈

遊南園偶見在陰牆下葵因以成詠

此地常無日青青獨在陰太陽偏不及非是未傾心

入百丈澗見桃花晚開

百丈深澗裏過時花欲妍應緣地勢下遂使春風偏

送子壻崔真甫李穆往揚州四首

渡口發梅花山中動泉脉蕪城春草生君作揚州客
半邏鶯滿樹新年人獨還落花逐流水共到茱萸灣
雁還空渚在人去落潮翻臨水獨揮手殘陽歸掩門
狎鳥攜稚子釣魚終老身殷勤囑歸客莫話桃源人

寄龍山道士許法稜

悠悠白雲裏，獨住青山客。
林下書焚香，桂花同寂寂。

送方外上人

孤雲將野鶴，豈向人間住。
莫買沃洲山，時人已知處。

送靈澈上人

蒼蒼竹林寺，杳杳鐘聲晚。
荷笠帶夕陽，青山獨歸遠。

茱萸灣北苔崔載華問

荒涼野店絕，迢遞人煙遠。
蒼蒼古木中，多是隋家苑。

赴楚州次自田途中阻淺問張南史

楚城今近遠積靄寒塘暮水淺舟且遲淮潮至何處

江中對月

空洲夕煙斂望月秋江裏歷歷沙上人月中孤渡水

碧澗別墅喜皇甫侍御相訪

荒村帶返照落葉亂紛紛古路無行客寒山獨見君野
橋經雨斷澗水向田分不爲憐同病何人到白雲

初到碧澗招明契上人

漸老知身累初寒曝背眠白雲留永日黃葉減餘年
獲護窗前樹泉澆谷後一作田沃洲能共隱不用道林錢

送少微上人遊天台

石橋人不到獨往更迢迢乞食山家少尋鐘野路遙松
門風自埽瀑布雪難消秋夜聞清楚餘音逐海潮

却歸睦州至七里灘下作

南歸猶謫宦獨上子陵灘江樹臨洲晚沙禽對水寒山
開斜照在石淺亂流難惆悵梅花發年年此地看

對酒寄嚴維

陋

一作陋

巷喜陽和衰顏對酒歌
嬾從華髮亂閒任白雲

多郡簡容垂釣家貧學弄梭
門前七里瀨早晚子陵過

新年作

鄉心新歲切天畔獨潛然
老至居人下春歸在客先
嶺猿同旦暮江柳共風煙
已似長沙傅從今又幾年

朱放自杭州與故里相使君立碑回因以奉簡

吏部楊侍郎製文

片石羊公後淒涼江水濱好辭千古事墮淚萬家人鵬
集占書久鸞回刻篆新不堪相顧恨文字日生塵

送宣尊師醮畢歸越

吹簫江上晚惆悵別茅君踏火能飛雪登

一作吞刀 一作山

入白雲晨香長日在夜磬滿山聞揮手桐溪路無情水
亦分

送裴使君赴荆南充行軍司馬

盛府南門寄前程積水中月明臨夏口山晚望巴東故

節辭江郡寒茄發渚宮漢川風景好遙羨逐一作羊公

送裴郎中貶吉州

亂軍交白刃一騎出黃塵漢節同歸闕江帆共逐臣
猿愁岐路晚梅作異方春知己鄴侯在應憐脫粟人

酬皇甫侍御見寄時前相國姑臧公初臨郡

離別江南北汀洲葉再黃路遙雲共水砧迴月如霜
歲儉依仁政年衰憶故鄉佇看一作君宣室名漢法倚張綱

月下呈章秀才八元

自古悲搖落誰人奈此何夜蜚偏傍枕寒鳥數移柯向
老三年謫當秋百感多一作無愁百口多家貧惟好月空媿子
猷過

酬張夏

幾歲依窮海頽年惜故陰劍寒空有氣松老欲無心
翫雪勞相訪看山正獨吟孤舟且莫去前路水雲深

送李使君貶連州

獨過長沙去誰堪此路愁秋風散干騎寒雨泊孤舟賈

誼辭明主蕭何識故侯漢廷當自名湘水但空流

秋夜北山精舍觀體如師梵

焚香奏仙唄向夕遍空山清切兼秋遠威儀對月閒靜
分巖響苔散逐海潮還幸得風吹去隨人到世間

酬張夏雪夜赴州訪別途中苦寒作

扁舟乘興客不憚苦寒行晚暮相依分江潮欲別情一作

江湖別有情水聲冰下咽砂路雪中平舊劍鋒銜盡應嫌贈

脫一作輕
脫自

尋洪尊師不遇

古木無人地來尋羽客家
道書堆玉案仙帔疊青霞
鶴老難知歲梅寒未作花
山中不相見何處化丹砂

喜鮑禪師自龍山至

故居山

一作

何日下春草欲芊芊
猶對山中月誰聽石上

泉
猿聲知後夜花發見流年
杖錫閒來往無心到處禪

送方外上人之常州依蕭使君

宰臣思得度鷗鳥戀爲羣
遠客迴飛錫空山臥白雲
夕

陽孤艇去秋水兩溪分歸共臨川史同翻貝葉文

宿北山禪寺蘭若

上方鳴夕磬林下一僧還密行傳人少禪心對虎閒青
松臨古路白月滿寒山舊識窗前桂經霜更待一作攀

赴新安別梁侍郎

新安君莫問此路水雲深江海無行跡孤舟何處尋青
山空向淚白月豈知心縱有餘生在終傷老病侵

江州留別薛六柳八二員外

江海相逢

一作逢君

少東南別處長獨行風嫋嫋相去水茫

茫白首辭同舍青山北背故鄉離心與潮信每日到潯陽

和州留別穆郎中

播遷悲遠道搖落感衰容今日猶多難何年更此逢世
交黃葉散鄉路白雲重明發看煙樹唯聞江北鐘

和州送人歸復郢

因家漢水曲相送掩柴扉故郢生秋草寒江澹落暉綠
林行客少赤壁住人稀獨過潯陽去潮歸人不歸

送金昌宗歸錢塘

新家浙江上，獨泛落潮歸。
秋水照華髮，涼風生褐衣。
柴門嘶馬少，藜杖拜人稀。
惟有陶潛柳，蕭條對掩扉。

酬張夏別後道中見寄

離羣方歲晏，謫官在天涯。
暮雪同行少，寒潮欲上遲。
海

鷗知吏傲砂鶴

一作沙鳥

見人衰，只畏生秋

一作憶春

草西歸亦

未期

新安奉送穆諭德歸朝賦得行字

九重宣室召萬里建溪行事直皇天在歸遲白髮生用
材身復起覩聖眼猶明離別寒江上潺湲若有情

偶然作

野寺長依止田家或往還老農開古地夕鳥入寒山書
劍身同廢煙霞吏共閒豈能將白髮扶杖出人間

送州人

一作睦州

孫沅自本州却歸句章新營所居

故里歸成客新家去未安詩書滿蝸舍征稅及漁竿火
種山田薄星居海島寒憐君不得已步步別離難

送李員外使還蘇州兼呈前袁州李使君賦得

長字袁州即員外之從兄

別離共成怨

一作誠
共怨

衰老更難忘夜月留同舍秋風在

遠鄉朱弦徐向燭白髮強臨觴歸獻西陵作誰知此路
長

酬李員外從崔錄事載華宿三河戍先見寄

寒江鳴石瀨歸客夜初分人語空山答猿聲獨戍聞遲
來朝及暮愁去水連雲歲晚心誰在青山見此君

見秦系離婚後出山居作

豈知偕老重垂老絕良姻
郝氏誠難負朱家自媿貧
綻衣留欲故織錦罷經春
何況薜蘿蕪綠空山不見人

酬秦系

鶴書猶未至那出白雲來
舊路經年別寒潮每日迴
家空歸海燕人老發江梅
最憶門前柳閒居手自栽

歲日作

建寅迴北斗看歷占春風
律變滄江外年加白髮中
春

衣試稚子壽酒勸衰翁今日陽和發榮枯豈不同

題元錄事開元所居

幽居蘿薜情高臥紀綱行鳥散秋鷹下人間春草生
冒風一作歸野寺收印出山城今日新安郡因君水更清

送崔載華張起之閩中

不識閩中路遙知別後心猿聲入嶺切鳥道問人深
旅食過夷落方言會越音西征開幕府早晚用陳琳

送張司直赴嶺南謁張尚書

番禺萬里路遠客片帆過盛府依橫海荒祠拜伏波人
經秋瘴變鳥墜火雲多誠憚炎洲裏無如一顧何

寄會稽公徐侍郎

公時在
王傅

搖落淮南葉秋風想越吟鄒枚入梁苑逸少在山陰老
鶴無衰貌寒松有本心聖朝難稅駕惆悵白雲深

送朱山人放越州賊退後歸山陰別業

越州

一作中

初罷戰江上送歸橈南渡無來客

一作信

西陵

自落潮空城垂故

一作細

柳舊業

一作井

廢春苗閭里相逢

少一作誰相見誰鶯花共寂寥

秋夜肅公房喜普門上人自陽羨山至

山棲久不見林下偶同遊早晚來香積何人住沃洲寒

禽驚後

一作獨

夜一作晚

古木帶高秋却入千峰去孤雲不

可留

送李秘書却赴南中

此公舉家先流嶺外兄弟數人俱沒南中

却到番禺日應傷昔所依炎洲百口住故國幾人歸路

識梅花在家存

一作看

棣萼稀獨逢迴雁去猶作舊行飛

過前安宜張明府郊居

寂寥東郭外白首一先生解印

一作考滿

孤琴在移家

一作家移

五柳成夕陽臨水釣春雨向田耕終日空林下何人識
此情

使迴次楊柳過元八所居

君家楊柳渡來往落帆過綠竹經寒在青山欲暮多薜
蘿誠可戀婚嫁復如何無奈閒門外漁翁夜夜歌

送李侍御貶郴州

洞庭波渺渺君去弔靈均幾路三湘水全家萬里人聽
猿明月夜看柳故年春憶想汀洲畔傷心向白蘋

寄普門上人

白雲幽臥處不向世人傳聞在干峰裏心知獨夜禪辛
勤羞薄祿依止愛閒田惆悵王孫草青青又一年

逢郴州使因寄鄭協律

相思楚天外夢寐楚猿吟更落淮南葉難爲江上心衡
陽問人遠湘水向君深欲逐孤帆去茫茫何處尋

岳陽館中望洞庭湖

萬古巴丘戍平湖此

一作北

望長問人何森森愁暮更蒼

蒼疊浪浮元氣中流沒太陽孤舟有歸客早晚達瀟湘

巡去岳陽却歸鄂州使院留別鄭洵侍御侍御

先曾謫居此州

何事長沙謫相

一作長

逢楚水秋暮帆歸夏口寒雨對巴

丘帝子椒漿奠騷人木葉愁誰憐萬里外離別洞庭頭

夏口送屈突司直使湖南

共悲

一作愁

來夏口何事更南征
霧露行人少瀟湘
春草

生鶯啼何處
夢猿嘯若爲聲
風月新年好
悠悠遠客情

代邊將有懷

少年辭魏闕
白首向沙場
瘦馬戀秋草
征人思故鄉
暮笳吹塞月
曉甲帶胡霜
自到雲中郡
于今百戰強

雨中過員稷巴陵山居贈別

憐君洞庭上
白髮向人垂
積雨悲幽獨
長江對別離
牛羊歸故道
猿鳥聚寒枝
明發遙相望
雲山不可知

送李中丞之襄州

一作送李中丞歸漢陽李
一作季一無之襄州三字

流落征南將，曾驅十萬師。
罷歸無舊業，老去戀明時。
獨

立三朝識

一作邊靜

輕生一劍知

一作隨

茫茫漢江上，日暮復

一作欲何之

奉使至申州，傷經陷沒

舉目傷蕪沒，何年此戰爭。
歸人失舊里，老將守孤城。
廢
戍山煙出，荒田野火行。
獨憐澗水上，時亂亦能清

穆陵關北逢人歸，漁陽

逢君穆陵路，匹馬向桑乾。
楚國蒼山古，幽州白日寒。
城池百戰後，耆舊幾家殘。
處處蓬蒿遍，歸人掩淚看。

安州道中經澧水有懷

征途逢澧水，忽似到秦川。
借問朝天處，猶看落日邊。
映沙晴漾漾，出澗夜濺濺。
欲寄西歸恨，微波不可傳。

步登夏口古城作

平蕪連古堞，遠客此沾衣。
高樹朝一作潮光上空城，秋氣

歸微明。漢水極搖落，楚人稀。
但見荒郊外，寒鷗暮暮飛。

贈別盧司直之閩中

爾來多不見此去又何之
華髮同今日流芳似舊時
洲長春色遍漢唐夕陽遲
歲歲王孫草空憐無處期

酬郭

一作張

夏

一作廬

人日長沙感懷見贈

此公比經流實

親在上都

舊俗歡猶在憐君恨獨深
新年向國淚今日倚門心
歲去隨湘水春生近桂林
流鶯且莫弄江畔正行吟

赴巴南書情寄故人

南過三湘去巴人此路偏謫居秋瘴裏歸處夕陽邊直
道天何在愁容鏡亦憐裁書欲誰訴無淚可潸然

餘干旅舍

搖落暮天迴青楓霜葉稀孤城向水閉獨鳥背人飛渡
口月初上鄰家漁未歸鄉心正欲絕何處擣寒衣

登思禪寺上方題修竹茂松

上方幽且暮

一作西峰
上方處

臺殿

一作
榭

隱蒙籠

一作
滕籠

遠磬秋

山裏清猿古木中衆溪連竹路諸嶺共松風儻許棲林

下甘成白首翁

恩敕重推使牒追赴蘇州次前溪館作

漸入雲峰裏愁看驛路閒
亂鷗投落日疲馬向空山
且喜憐非罪何心戀末班
天南一萬里誰料得生還

北歸次秋浦界清溪館

萬里

一作嶺

猿啼

一作頻

斷孤村客暫依

一作萬古啼

雁

過彭蠡暮人向宛陵稀
舊路青山在餘生白首歸
漸知行近北不見鷓鴣飛

行近北不見鷓鴣飛

謫官後却歸故村將過虎丘悵然有作

萬事依然在無如歲月何
邑人憐白髮庭樹長新柯
故老相逢少同官不見多
唯餘舊山路惆悵枉帆過

重推後却赴嶺外待進止寄元侍郎

却訪巴人路難期國士恩
白雲從出岫黃葉已辭根
大造功何薄長年氣尚寬
空令數行淚來往落湘沅

秋杪江亭有作

一作秋杪
干越亭

寂寞江亭下江楓秋氣斑

一作日暮更愁
遠天涯殊未還

世情何處澹

湘水向人閒寒渚一孤雁夕陽千萬山扁舟如將一作落

葉此去未知還

一作俱在
洞庭間

送鄭司直歸上都

歲歲逢離別蹉跎江海濱
官遊成楚老鄉思逐秦人
馬首歸何日鶯啼又一春
因君報情舊閒慢欲垂綸

送靈澈上人歸嵩陽蘭若

一作
巖

南地隨緣久東林幾歲空
暮山門獨掩春一作草路難

青

草路難

通作梵連松韻梵香入桂叢
唯將舊餅鉢却寄白雲中

却赴南邑留別蘇臺知己

又過梅嶺上歲歲此一作北枝寒落日孤舟去青山萬里

看猿聲湘水靜草色洞庭寬已料生涯事唯應把釣竿

和靈一上人新泉

東林一泉出復與遠公期石淺寒一作淺流處山空夜

一作落時處空山夜月時一作夢閒聞歸一作細響慮澹對

向清漪動靜皆無意一作如此唯應達一作道者知

送李摯赴延陵令

清風季子邑想見下車時
向水彈琴靜看山採菊遲
明君加印綬廉使託惇嫠
旦暮華陽洞雲峰若有期

奉送裴員外赴上都

彤襜江上遠萬里詔書催
獨過潯陽去空憐潮信迴
離心秋草綠揮手暮帆開
想見秦城路人看五馬來

長沙桓王墓下別李紆張南史

長沙千載後春草獨萋萋
流水朝將一作空暮行人東
又作還

復西碑苔幾字滅山木萬株齊
佇立傷今古一作惟有
年芳在

相看惜解攜

送侯

一有侍字

御赴黔中充判官

不識黔中路今看遣使臣
猿啼萬里客鳥似五湖人
地遠官無法山深俗豈淳
須令荒徼外亦解懼埋輪

秋日登吳公臺上寺遠眺寺即陳將吳明徹戰

場

一作地

古臺搖落後秋日

一作入

望鄉心野寺人來少雲峰水隔

深夕陽依舊壘寒磬滿空林
惆悵南朝事長江獨至今

淮上送梁二恩命追赴上都

賈生年最少儒行漢庭聞拜手卷黃紙迴身謝白雲故
關無去客春草獨隨君淼淼長淮水東西自此分

送崔昇歸上都

舊寺尋遺緒歸心逐去塵早鶯何處客古木幾家人白
髮經多難滄洲欲暮春臨期數行淚爲爾一霑巾

過李將軍南鄭林園觀妓

郊原風日好百舌弄何頻小婦秦家女將軍天上人鴉

歸長郭暮草映大堤春客散垂楊下通橋車馬塵

送嚴侍御充東畿觀察判官

洛陽征戰後君去問凋殘雲月

一作日

臨南至風霜向北

寒故園經亂久古木隔林看

一作古道
近鄉看

誰訪江城客年

年守一官

送王端公入奏上都

舊國無家訪臨岐亦羨歸途經百戰後客過二陵稀秋
草通征騎寒城背落暉行當蒙顧問吳楚歲頻饑

送營田判官鄭侍御赴上都

上國三千里西還

一作遊

及歲芳故山經亂在春日送歸

長曉奏趨雙闕秋成報萬箱幸論開濟力已實海陵倉

送李校書赴東浙幕府

校書工於翰墨

方從大夫後南去會稽行森森滄江外青青草生芸

香辭亂

一作校

事梅吹聽軍聲應訪王家宅空憐江水平

清明後登城眺望

風景清明後雲山睥睨前百花如舊日萬井出新煙草

色無空地江流合遠天長安在何處

一作何處是

遙指夕陽

邊

陪王明府泛舟

花縣彈琴暇樵風載酒時山含秋色近鳥度夕陽遲
出沒鳧成浪蒙籠竹亞枝雲峰逐人意來去解相隨

送度支留後若侍御之歙州便赴信州省覲

國用憂錢穀朝推此任難即山榆莢變降雨稻花殘
林響朝登嶺江喧夜過灘遙知驄馬色應待倚門看

餘干夜宴奉餞前蘇州韋使君新除婺州作

復拜東陽郡遙馳北闕心
行春五馬急向夜一猿深山
過康郎近星看婺女臨幸容棲託分猶戀舊棠陰

晚次苦竹館却憶干越舊遊

匹馬風塵色干峰旦暮時
遙看落日盡獨向遠山遲
故驛花臨道荒村竹映籬
誰憐却迴首步步戀南枝

送李二十四移家之江州

煙塵猶一作滿目岐路易霑衣
逋一作客多南渡征一作

春鴻自北飛九江春草綠一作東林古寺靜千里暮潮歸別後

難一作誰

相訪全家隱釣磯一作羨爾全家隱廬峰對掩扉

送盧判官南湖

漾舟仍載酒愧爾意相寬草色南湖綠松聲小署寒水

禽前後起一作出花嶼往來看已作滄洲調無心戀一官

送張栩扶持之睦州此公舊任建德令

遙憶新安舊扁舟復却還淺深看水石來往逐雲山入

縣餘花在過門故柳閒東征隨子去皆隱薜蘿間

集梁耿開元寺所居院

到君幽臥處爲我埽莓苔
花雨晴天落松風終日來
路經深竹過門向遠山開
豈得長高枕中朝正用才

贈西鄰盧少府

籬落能相近漁樵偶復同
苔封三徑絕溪向數家通
犬

吠寒煙裏鷓鴣鳴

一作飛

夕照中時因杖藜次

一作倘因藍舉出

相

訪竹林東

遊休禪師雙峰寺

雙扉碧峰際
遙向夕陽開
飛錫方獨往
孤雲何事來
寒潭映白月
秋雨上青苔
相送東郊外
羞看驄馬回

廨中見桃花南枝已開北枝未發因寄杜副端

何意同根本
開花每後時
應緣去日遠
獨自發春遲
結

實恩一作難忘
應一作望
無言恨
豈知年光不可待
空羨向

南枝

奉送盧員外之饒州

天書萬里至
旌旆上江飛
日向鄱陽近
應看吳岫微
暮

帆何處落潮水背人歸
風土無勞問南枝黃葉稀

送處士歸州因寄林山人

陵陽不可見獨往復如何
舊邑雲山裏扁舟來去過
鳥聲春谷靜草色太湖多
儻宿荆溪夜相思漁者歌

移使鄂州次峴陽館懷舊居

多慙恩未報敢問路何長
萬里通秋雁千峰共夕陽
舊遊成遠道此去更違一作迷
鄉草露深一作空山裏朝朝落

一作滿
客棠

送齊郎中赴海州

華省占星動孤城望日遙直廬收舊草行縣及新苗
滄海天連水青山暮與朝閭閻幾家散應待下車招

重陽日鄂城樓送屈突司直

登高復送遠惆悵洞庭秋風景一作水同前一作干古雲山

滿上游蒼蒼來暮雨森森逐寒流今日關中事蕭何共
爾憂

更被奏留淮南送從弟罷使江東

又作淮南客還悲木葉聲寒潮落瓜步秋色上蕪城王
事何時盡滄洲羨爾行青山將綠水惆悵不勝情

經漂母墓

昔賢懷一飯茲事已千秋古墓樵人識前朝楚水流渚
蘋行客薦山木杜鵑愁春草茫茫綠王孫舊此遊

送李端公赴東都

軒轅征戰後江海別離長遠客歸何處平蕪滿故鄉夕
陽帆杳杳舊里樹蒼蒼惆悵蓬山下瓊枝不可忘

送王員外歸朝

往來無盡目離別要逢春海內懼多事天涯見近臣
芳時萬里客鄉路獨歸人魏闕心常在隨君亦向秦

送蔣侍御入秦

朝見及芳菲恩榮出紫微晚光臨仗奏春色共西歸
楚客移家老秦人訪舊稀因君鄉里去爲掃故園扉

洞庭驛逢郴州使還寄李湯司馬

洞庭秋水濶南望過衡峰遠客瀟湘裏歸人何處逢
孤

雲飛不定落葉去無蹤莫使滄浪叟長歌笑爾容

送舍弟之鄱陽居

鄱陽寄家處自別掩柴扉故里人何在滄波孤客稀湖
山春草遍雲木夕陽微南去逢迴鴈應憐相背飛

送裴二十端公使嶺南

蒼梧萬里路空見白雲來遠國知何在憐君去未迴桂
林無葉落一作落葉梅嶺自花開陸賈千年後誰看朝漢臺

過桃花夫人廟

即息夫人

寂寞應千歲桃花想一枝
路人看古木江月向空祠
雲雨飛何處山川是舊時
獨憐春草色猶似憶佳期

鄂渚送池州程使君

蕭蕭五馬動欲別謝臨川
落日蕪湖色空山梅冶煙
江湖通解舍楚老拜戈船
風化東南滿行舟來去傳

送友人西上

羈心不自解有別會需衣
春草連天積五陵遠客歸
十年經轉戰幾處便一作更
芳菲想見函關路行人去亦稀

送梁郎中赴吉州

遙想廬陵郡還聽叔度歌
舊官移上象新令布中和
看竹經霜少聞猿帶雨多
但愁徵拜日無奈借留何

過湖南羊

一作處士別業

杜門成白首湖上寄生涯
秋草蕪

一作閑

三徑寒塘獨一

家鳥歸村落盡水向縣城斜
自有東籬菊年年解作花

一作愛汝醒還

醉東籬菊正花

送河南元判官赴河南句當苗稅充百官俸錢

春草長河曲離心共渺然方收漢家俸獨向汶陽田鳥
雀空城在榛蕪舊路遷山東征戰苦幾處有人煙

夏中崔中丞宅見海紅搖落一花獨開

何事一花殘閒庭百草闌綠滋經雨發紅艷隔林看竟
日餘香在過時獨秀難共憐芳意晚秋露未須團一作薄

使還至

一作自

菱陂

一作波

驛渡澗水作

清川已再涉疲馬共西還何事行人倦終年流水閒孤

煙飛

一作出

廣澤一鳥向空山愁入雲峰裏蒼蒼閉古關

送齊郎中典括州

星象移何處，旌麾獨向東。
勸耕滄海畔，聽訟白雲中。
樹

色

一作影

雙溪合，猿聲萬嶺同。
石門康

一作空

樂住

一作在

幾

里枉帆通

過隱空和尚故居

自從飛錫去，人到沃洲稀。
林下期何在，山中春獨歸。
踏花尋舊徑，映竹掩空扉。
寥落東峰上，猶堪靜者依。

過蕭尚書故居見李花感而成詠

手植已芳菲心傷故徑微往年啼鳥至今日主人非滿
地誰當埽隨風豈復歸空憐舊陰在門客共霑衣

送袁處士

閒田北川下靜者去躬耕萬里空江莢孤舟過郢城種
荷依野水移柳待山鶯出處安能問浮雲豈有情

酬李侍御登岳陽見寄

想見孤舟去無由此路尋暮帆遙在眼春色獨何心綠
水瀟湘闊青山鄴杜深誰當北風至爲爾一開襟

喜晴

曉日西風轉秋天萬里明湖天一種色林鳥百般聲霽
景浮雲滿遊絲映水輕今朝江上客凡慰幾人情

御定全唐詩卷一百四十七

欽定四庫全書薈要卷一萬七千五百五十三

集部

御定全唐詩卷一百四十八

劉長卿

夏口送徐郎中歸朝

星象南宮遠風流上客稀
九重思曉奏萬里見春歸
棹發空江響城孤落日暉
離心與楊柳臨水更依依

鄂渚聽杜別駕彈胡琴

文姬留此曲千載一知音
不解胡人語空留一作楚客

心聲隨邊草動意入隴雲深何事長江上蕭蕭出塞吟
過鸚鵡洲王處士別業

白首此爲漁青山對結廬問人尋野笋留客饋家蔬古
柳依沙發一作春苗帶雨鋤共憐芳杜色終日伴閒居

寄萬州崔使君令欽

時艱方用武儒者任浮沈搖落秋江暮憐君巴峽深丘
立一作門多白首蜀郡滿青襟自解書生詠愁猿莫夜吟

送馬秀才移家京洛便赴舉

自從爲楚客不復掃荆扉
劍共丹誠在書隨白髮歸
舊遊經亂靜後進識君稀
空把相如賦何人薦禮闈

送南特進赴歸行營

聞道軍書至揚鞭不問家
虜雲連白草漢月到黃沙
汗馬河源飲燒羌隴坻
遮翩翩新結束去逐李輕車

送道標上人歸南岳

悠然一作悠倚孤棹却憶臥中林
江草將歸遠湘山獨往

深白雲留不住淶水去無心
衡岳千峰亂禪房何處尋

送梁侍御巡

一作赴

永州

蕭蕭江雨暮客散野

一作短

亭空憂國天涯去思鄉歲暮

同到時猿未斷迴處水應窮莫望零陵路千峰萬木中

歲夜喜魏萬成郭夏

一作廬

雪中相尋

新年欲變柳舊客共霑衣歲

一作旅

夜猶難盡鄉春又獨

歸寒燈映虛牖暮雪掩閒扉且莫

一作旦暮

乘船去平生相

訪稀

送蔡侍御赴上都

遲遲立馬久客戀瀟湘明日誰同路新年獨到別

一作

鄉孤煙

一作燈

向驛遠積雪去關長秦地看春色南枝不

可忘

晦日陪辛大夫宴南亭

月晦逢休澣年光逐宴移早鶯留客醉春日爲人遲
草全無葉梅花遍壓枝政閒風景好莫比峴山時

送獨孤判官赴嶺

伏波初樹羽待爾靜川鱗嶺海看飛鳥天涯問遠人蒼

梧雲裏夕青草嶂中春
遙想文身國迎舟拜使臣

長沙館中與郭夏一作廡對雨

長沙積雨晦深巷
絕人幽潤上春衣
冷聲連暮角愁雲
橫全楚地樹暗古湘洲
杳藹江天外空堂生百憂

陪辛大夫西亭宴觀妓

歌舞憐一作連遲日旄麾一作旗映早春
鶯窺隴西將花對

洛陽人醉罷知何事
恩深忘此身任他行
雨去歸路衰

香一作輕塵

題魏萬成江亭

蕭條方歲晏
牢落對空洲
才出時人右
家貧湘水頭
蒼山隱暮雪
白鳥沒寒流
不是蓮花府
冥冥不可求

春過襄虬郊園

時襄不在
因以寄之

郊原春欲暮
桃李落紛紛
何處隨芳草
留家寄白雲
聽鶯情念友
看竹恨無君
長嘯高臺上
南風薰爾聞

送韋贊善使嶺南

欲逐一作樓船將
方安弁服夷
炎洲經瘴遠
春水上瀧

遲歲貢隨重譯年芳徧四時
番禺靜無事空詠飲泉詩
送喬判官赴福州

揚帆向何處插羽逐征東
夷落人煙迴王程鳥路通
江流回澗底山色聚閩中
君去凋殘後應憐百越空

送李補闕之上都

獨歸西掖去難接後塵遊
向日二千里朝天十二樓
路看新柳夕家對舊山秋
惆悵離心遠滄江空自流

送袁明府之任

既有親人術還逢試吏年蓬蒿千里閉村樹幾家全雪
覆淮南道春生潁谷煙何時當莅政相府得聞天

海鹽官舍早春

小邑滄洲吏新年白首翁一官如遠客萬事極飄蓬柳
色孤城裏鶯聲細雨中羈心早已亂何事更春風

南湖送徐二十七西上

家在橫塘曲那能萬里違門臨秋水掩一作淹帆帶夕陽

飛傲俗宜紗帽干時倚布衣獨將湖上月相逐去還歸

曲阿對月別岑況徐說

金陵已蕪沒
函谷復煙塵
猶見南朝月
還隨上國人
白雲心自遠
滄海意相親
何事須成別
汀洲欲暮春

送李侍御貶鄱陽

此公近由
此州使迴

迴車仍昨日
謫去已秋風
干越知何處
雲山只向東
暮天江色裏
田鶴稻花中
却見鄱陽吏
猶應舊馬驄

送路少府使東京便應制舉

時梁宋初失守一
題作送駱三少府

西山
應制

故人西奉使胡騎正紛紛

一作汀洲芳草
綠日暮更氛氲

舊國無來信

春江獨送君五言凌白雪六翮向青雲誰念滄洲吏

一作

史志機鷗鳥羣

一作自是無機者沙鷗已可羣
又作空自無機事沙鷗已可羣

松江獨宿

洞庭初下葉孤客不勝愁
明月天涯夜青山江上秋
一官成白首萬里寄滄洲
久被浮名繫能無媿海鷗

尋白石山真禪師舊草堂

惆悵雲山暮閒門獨不開
何時飛杖錫終日閉蒼苔
隔

嶺春猶在無人燕亦來誰堪暝投處空復一猿哀

送行軍張司馬罷使迴

一作送張危
司直歸越中

時危身赴敵事往任浮沈末路

一作萬里

三江去當時

一作孤城

百戰心春風吳苑

一作草

綠古木剡山深千里滄波上

一作

明日滄洲路

孤舟

一作雲

不可尋

喜李翰自越至

南浮滄海上萬里到吳臺久別長相憶孤舟何處來春

風催客醉江月向人開羨爾無羈束沙鷗獨不猜

罪所留繫寄張十四

不見君來久，寃深意未傳。
冶長空得罪，夷甫豈言錢。
直道天何在，愁容鏡亦憐。
因書欲自訴，無淚可潸然。

送勤照和尚往睢陽赴太守請

燃燈傳七祖，杖錫爲諸侯。
來去一作去住雲無意，東西水自

流。青山春滿目，白日夜隨舟。
知到梁園下，蒼生賴一作春此遊。

長門怨

何事長門閉珠簾只自垂月移深殿早春向後宮遲蕙

草生閒地梨花發舊枝芳菲自

一作似

恩幸看著

一作却

被

風吹

過橫山顧山人草堂

只一作祇見山相掩誰言路尚通人來千嶂外犬吠百花

中細草香飄雨垂楊閒卧風却尋樵徑去惆悵綠溪東

送李校書適越謁杜中丞

江風處處盡日暮水空波搖落行人去雲山向越多陳

蕃懸榻待謝客枉帆過相見耶溪路透迤入薜蘿

秋夜雨中諸公過靈光寺所居

晤語青蓮舍重門閉夕陰向人寒燭靜帶雨夜鐘沈作
深流水從他事孤雲任此心不能捐斗粟終日媿瑤琴

西庭夜燕喜評事兄拜會

猶是南州吏江城又一春隔簾湖上月對酒眼中人棘
寺初銜命梅仙已誤身無心羨榮祿唯待却垂輪

尋南溪常山道人隱居

一作尋常山南
溪道士隱居

一路經行處

一作蒼

苔見履痕白雲依靜渚

一作者

春作一

芳草閉閒門過雨看松色隨山到水源
溪花與禪意相

對亦忘言

揚州雨中張十宅觀妓

一作張謂詩

夜色帶

一作對又作滯

春煙燈花拂更然
殘粧添石黛艷舞落

金鈿掩笑頻敲扇
迎歌乍動弦不知巫峽雨何事海西

邊

赴宣州使院夜宴寂上人房留辭前蘇州韋使

君

白雲垂始願滄海有微波戀舊爭趨府臨危欲負戈春

歸花殿暗秋

一作寒

傍竹房多耐可機心息其如羽檄何

送薛承矩秩滿北遊

匹馬向何處北遊殊未還寒雲帶飛雪日暮雁門關一
路傍汾水數州看晉山知君喜初服祇愛此身閒

餞別王十一南遊

望君煙水濶揮手淚霑巾飛鳥沒何處青山空向人長

江一帆遠落日五湖春誰見汀洲上相思愁白蘋

送嚴維尉諸暨

嚴即越州人

愛爾文章遠還家印綬榮退公兼色養臨下帶鄉情喬木映官舍春山宜縣城應憐釣臺石閒却爲浮名

送李七之苻水謁張相公

惆悵青春晚慙慙濁酒壚後時長劔澀斜日片帆孤東閣邀才子南昌老腐儒梁園舊相識誰憶臥江湖

送崔處士先適越

山陰好雲物此去又春風越鳥聞花裏曹娥想鏡中小
江潮易滿萬井水皆通徒羨扁舟客微官事不同

奉陪使君西庭送淮西魏判官

得山字

羽檄催歸恨春風醉別顏能邀五馬送自逐一星還破
竹從軍樂看花聽訟閒遙知用兵處多在八公山

獄中見壁畫佛

不謂銜冤處而能窺大悲獨棲叢棘下還見雨花時地
狹青蓮小城高白日遲幸親方便力猶畏毒龍欺

送許拾遺還京

萬里辭三殿金陵到舊居
文星出西掖卿月在南徐
故里驚朝服高堂捧詔書
暫容乘駟馬誰許戀鱸魚

送張七判官還京覲省

大夫之子時初

春蘭方可採此去葉初齊
函谷鶯聲裏秦山馬首西
庭闈新栢署門館舊桃蹊
春色日一作長安道相隨入禁闈

一本缺

送孫瑩京監擢第歸蜀覲省

適賀一枝新旋驚萬里分禮闈稱獨步太學許能文征
馬望春草行人看暮雲遙知倚門處江樹正氛氲

送史九赴任寧陵兼呈單父史八時監察五兄

初入臺

趨府弟聯兄看君此去祭春隨千里道河帶萬家城繡
服棠花映青袍草色迎梁園修竹在持贈結交情

臥病喜田九見寄

一作過

臥來能幾日春事已依然不解謝公意翻令靜者便庭

陰殘舊雪柳色帶新年寂寞深村裏唯君相訪偏

重過宣峰寺山房寄靈一上人

西陵潮信滿島嶼入中流越客依風水相思南渡頭寒
光生極浦暮雪映滄洲何事揚帆去空驚海上鷗

雲門寺訪靈一上人

所思勞日夕惆悵去西東禪客知何在春山到處獨
行殘雪裏相見白雲中請近東林寺窮年事遠公

送陸羽之茅山寄李延陵

延陵衰草遍有路問茅山雞犬驅將去煙霞擬不還新
家彭澤縣舊國穆陵關處處逃名姓無名亦是閒

寄靈一上人初還雲門

一作皇甫曾詩

寒霜白雲裏法侶自相攜竹逕通城下松風隔水西方
同沃洲去不作武陵迷髮鬢知心處高峰是會稽

寄靈一上人

一作皇甫冉詩
一作卽士元詩

高僧本姓竺開士舊名林一去春山裏千峰不可尋新
年芳草遍終日白雲深欲徇微官去懸知訝此心

送韓司直

遊吳還入越來往任風波復送王孫去其如春草何岸
明殘雪在潮滿夕陽多季子楊柳廟停舟試一過

酬李郎中夜登蘇

一作福

州城樓見寄

辛勤萬里道蕭索九秋殘日照閩中夜天凝海上寒客
程無地遠主意在人安遥寄登樓作空知行路難

送人遊越

一作郎士元詩

未習風波事初爲吳越遊露霑湖色曉一作晚月照海門

一作秋梅市門何在蘭亭水尚流西陵待潮處落日滿

扁孤一作舟

贈普門上人

支公身欲老長在沃洲多惠力堪傳教禪心久伏魔山
雲隨坐夏江草伴頭陀借問迴心後賢愚去幾何

送康判官往新安一作皇甫冉詩

不向新安去那知江路長猿聲近廬霍水色勝瀟湘驛
路收殘雨漁家帶夕陽何須愁旅泊使者有輝光

送顧長

一本題下有
往新安三字

由來山水客復道向新安半是乘槎便全非行路難晨
裝林月在野飯浦沙寒巖子千年後何人釣舊灘

九日登李明府北樓

九日登高望蒼蒼遠樹低人煙湖草裏山翠縣樓西霜
降鴻聲切秋深客思迷無勞白衣酒陶令自相攜

同諸公登樓

秋草行將暮登樓客思驚千家同霽色一鴈報寒聲北

望無鄉信東遊滯客行今君佩銅墨還有越鄉情

送友人南遊

不愁尋水遠自愛逐連山雖在春風裏猶從芳草間去
程何用計勝事且相關旅逸同羣鳥悠悠往復還

送裴二十一

多病長無事閒筵暫送君正愁帆帶雨莫望水連雲客
思閒偏極川程遠更分不須論一本早晚惆悵又離羣

送張判官罷使東歸

白首辭知己滄洲憶舊居
落潮迴野艇積雪臥官廬
范叔寒猶在周王歲欲除
春山數畝地歸去帶經鉏

早春

微雨夜來歇江南春色迴
本驚時不住還恐老相催
人好干場醉花無百日開
豈堪滄海畔爲客十年來

送青苗鄭判官歸江西

三苗餘古地五稼滿秋田
來問周公稅歸輸漢俸錢
江城寒背日溢水暮連天
南楚凋殘後疲民賴爾憐

過包尊師山院

賣藥曾相識吹簫此復聞
杏花誰是主桂樹獨留君
漱玉臨丹井圍碁訪白雲
道經今爲寫不慮惜鵝羣

故女道士婉儀太原郭氏挽歌詞

作範宮闈睦歸真道藝

一作藝業

超馭風仙路遠背日帝宮

一作居

遙鸞殿空留處霓裳已罷朝
淮王哀不盡松柏但

蕭蕭

宮禁思

一作思

長隔神仙道已分人間
驚早露天上失朝

雲逝水年無限佳城日易曛
簫聲將薤曲哀斷不堪聞
少年行

射飛誇侍獵行樂愛聯鑣
薦枕青蛾豔鳴鞭白馬驕
曲房珠翠合深巷管弦調
日晚春風裏衣香滿路飄

歸弋陽山居留別盧邵二侍御

渺渺歸何處
汭流附客船
久依鄱水住
頻稅越人田
偶俗機偏少
安閒性所便
祇應君少慣
又欲寄林泉

赴江西湖上贈皇甫曾之宣州

莫恨扁舟去

一作此去君何恨

川途

一作南行

我更遙東西潮渺渺

離別雨蕭蕭流水通春谷青山過板橋天涯有來客遲

爾訪漁樵

一作尋陽如枉棹千里有歸潮

湘中紀行十首

湘妃廟

荒祠古木暗寂寂此江清未作湘

一作湖

南雨知爲何處

雲苔痕斷珠履草色帶羅裙莫唱迎仙曲空山不可聞

斑竹巖

蒼梧在何處斑竹自成林
點點留殘淚枝枝寄此心
寒山響易滿秋水影偏深
欲覓樵人路蒙籠一作滕籠不可尋

洞山陽

浮丘公舊隱處
一作洞陽山

舊日仙成處荒林客到稀
白雲將犬去芳草任人歸
空谷無行徑深山少一作多
落暉桃園幾家住誰爲
掃荆扉

雲母溪

雲母映溪水溪流知幾春
深藏武陵客時過洞庭人
白髮慚皎鏡清光媚齋淪
寥寥古松下歲晚挂頭巾

赤沙湖

茫茫葭外一望一霑衣秋水連天潤涔陽何處歸沙
鷗積暮雪川日動寒暉楚客來相問孤舟泊釣磯

秋雲嶺

山色無定姿如煙復如黛孤峰夕陽後翠嶺秋天外雲
起遙蔽虧江迴頻向背不知今遠近到處猶相對

花石潭

江楓日搖落轉愛寒潭靜水色淡如空山光復相映人

閒流更慢魚戲波難定楚客往來多偏知白鷗性

石圍峰

一作石
苗山

前山帶秋色獨往一作秋江晚壘嶂入雲多孤峯去人

遠寓緣不可到蒼翠空在眼渡口問漁家桃源路深淺

浮石瀨

秋月照瀟湘月明聞盪槳石橫晚瀨急水落寒沙廣衆
嶺猿嘯重空江人語響清暉朝復暮如待扁舟賞

橫龍渡

空傳古岸下曾見蛟龍去秋水晚沈沈猶一作獨疑在深

一作何處亂聲沙上石倒影雲中樹獨見一作繫一扁舟樵

人往來渡

雜詠八首上禮部李侍郎

幽琴中二聯作聽琴絕句已見前卷

月色滿軒白琴聲宜夜闌颼颼青絲上靜聽松風寒古
調雖自愛今人多不彈向君投此曲所貴知音難

晚桃

四月深澗底桃花方欲然寧知地勢下遂使春風偏此
意頗堪惜無言誰爲傳過時君未賞空媚幽林前

疲馬

玄黃一疲馬筋力盡胡塵驤首北風夕徘徊鳴向人誰
憐棄置久却與駑駘親猶戀長城外青青塞草春

春鏡

寶鏡凌曙開含虛淨如水獨懸秦臺上萬象清光裏豈
慮高鑒偏但防流塵委不知娉婷色回照今何似

古劍

龍泉閑古匣苔蘚淪此地何意久歲鋒翻令世人棄鐵
衣今正澀寶刃猶可試儻遇拂拭思應知剗犀利

舊井

舊井依舊城寒水深洞徹下看百餘尺一鏡光不減素
綆久未垂清涼尚含潔豈能無汲引長訝君恩絕

白鷺

亭亭常獨立川上時延頸秋水寒白毛夕陽弔孤影幽

姿閒自媚逸翮思一騁如有長風吹青雲在俄頃

寒缸

向夕燈稍進空堂彌寂寞光寒對愁人時復一花落但
恐明見累何愁暗難托戀君秋夜永無使蘭膏薄

寄李侍御

舊國人未歸芳

滄一作

洲草還碧年年湖上亭

春一作

悵望

江南客驄馬入關西白雲獨何適相思煙水外唯有心
不隔

晚泊湘江懷故人

天涯片雲去遙指帝鄉憶惆悵增暮情瀟湘復秋色扁
舟宿何處落日羨歸翼萬里無故人江鷗不相識

過鄔三湖上書齋

何事東南客忘機一釣竿酒香開甕老湖色對門寒向
郭青山送臨池白鳥看見君能浪跡予亦厭微官

從軍六首

迴看虜騎合城下漢兵稀白刃兩相向黃雲愁不飛手

中無尺鐵徒欲突重圍

目極鴈門道青青邊草春
一身事征戰匹馬同苦辛
末路成白首功歸天下人

倚劔白日暮望鄉登戍樓
北風吹羌笛此夜關山愁
迴首不無意滹河空自流

黃沙一萬里白首無人憐
報國劔已折歸鄉身幸全
單于古臺下邊色寒蒼然

落日更蕭條北風動枯草
將軍追虜騎夜失陰山道
戰

敗仍樹勳韓彭但空老

草枯

秋一作秋

塞上望見漁陽郭胡馬嘶一聲漢兵淚雙

落誰爲吮瘡者此事今人薄

龍門八詠

關口

秋山日

一作向

搖落秋水急波瀾獨見魚龍氣長令煙雨

寒誰窮造化方空向兩崖看

水東渡

山葉傍崖赤干峰秋色多夜泉發清響寒渚生微波稍
見沙上月歸人爭渡河

福公塔

寂寞對伊水經行長未還東流自朝暮干載空雲山誰
見白鷗鳥無心洲渚間

遠公龕

松路向精舍花龕歸老僧閒雲隨錫杖落日低金繩入
夜翠微裏干峰明一燈

石樓

隱隱見花閣
隔河映青林
水田秋鴈下
山寺夜鐘深
寂寞羣動息
風泉清道心

下山

誰識往來意
孤雲長自閒
風寒未渡水
日暮更看山
木落衆峰出
龍宮蒼翠間

水西渡

一作西渡水

伊水搖鏡光
纖鱗如不隔
千龕道傍古
一鳥沙上白
何

事還

一作間

山雲

一作寒

能留向城客

渡水

日暮下山來
千山暮鐘發
不知波上棹
還弄山中月
伊水連白雲
東南遠明滅

月下聽砧

夜靜掩寒城
清砧發何處
聲聲擣秋月
腸斷盧龍戍
未

得

一作有

寄征人愁霜復愁露

送丘爲赴上都

一作送
皇甫曾

帝鄉何處是岐路空垂泣楚思

一作客

愁暮多川程

一作長

帶潮急潮歸人不歸獨向空

一作迴

塘立

題大理黃主簿湖上高齋

閉門湖水畔自與白鷗親
竟日窗中岫終年林下俗
輕儒服弊家厭法官
貧多雨茅簷夜空洲
草徑春桃源
君莫愛且作漢朝臣

平蕃曲三首

吹角報蕃營迴軍欲洗兵
已教青海外自築漢家城

渺渺戍煙孤
茫茫塞草枯
隴頭那用閉
萬里不防胡
絕漠大軍還
平沙獨戍閒
空留一片石
萬古在燕山

送鄭說之歙州謁薛侍郎

一作薛能郎中

漂泊來千里
謳謠滿百城
漢家尊太守
魯國重諸生
俗

變人難理江傳

一作流

水至清船經危石住

一作往

路入亂

山行老得滄洲趣
春傷白首情
嘗聞馬南郡
門下有康

成

題獨孤使君

一作常州

湖上林

一作新

亭

出樹倚朱闌吹鏡引上官老農持鍤拜時稼捲簾看水
對登龍淨山當建隼寒夕陽湖草動秋色渚田寬渤海
人無事荊州客獨安謝公何足比來往石門難

酬滁州李十六使君見贈

李公與予俱於陽美
山中新營別墅以其

同志因
有此作

滿鏡悲華髮空山寄此身白雲家自有黃卷業長貧嬾
任垂竿老狂因釀黍春桃花迷聖代桂樹狎幽人幢蓋
方臨郡柴荆忝作鄰但愁千騎至石路却生塵

送嚴維赴河南充嚴中丞幕府

久別耶溪客來乘使者軒
用才榮入幕扶病喜同樽
山屐畱何處江帆去獨翻
暮情辭鏡水秋夢識雲門
蓮府開花萼桃園寄子孫
何當舉嚴助徧沐漢朝恩

酬包諫議信見寄之什

佐郡媿頑疎殊方親里閭
家貧寒未度身老歲將除
過雪山僧至依陽野客舒
藥陳隨遠宦梅發對幽居
落日

棲鴉鳥行人遺

達一作

鯉魚高文不可和空媿學相如

棲霞寺東峰尋南齊明徵君故居

山人今不見山鳥自相從
長嘯辭明主終身臥此峰
泉源通石徑磻戶掩塵容
古墓依寒草前朝寄老松
片雲生斷壁萬壑遍踈鐘
惆悵空歸去猶疑林下逢

奉和趙給事使君留贈李婺州舍人兼謝舍人
別駕之什

便道訪情親東方千騎塵
禁深分直夜地遠獨行春
絳闕辭明主滄洲識近臣
雲山隨候吏雞犬逐歸人
庭顧

婆娑老邦傳菽菁新玄暉翻佐理聞到郡齋頻

行營酬呂侍御時尚書問罪襄陽軍次漢東境
上侍御以州鄰寇賊復有水火迫於征稅詩以
見諭

不敢淮南臥來趨漢將營受辭瞻左鉞扶疾往前旌井
稅鶉衣樂壺漿鶴髮迎水歸餘斷岸烽至掩孤城晚日
歸干騎秋風合五兵孔璋才素健早晚檄書成

登遷

一作僊

仁樓訓子壻李穆

臨風敞麗譙落日聽吹鏡歸路空迴首新章已在腰非
才受官謗無政作人謠儉歲安三戶餘年寄六條春燕
生楚國古樹過隋朝賴有東林客池塘免寂寥

別李氏女子

念爾嫁猶近稚年那別親臨岐方教誨所貴和六姻
俛首戴荆釵欲拜淒且嘔本來儒家子莫恥梁鴻貧漢川
若可涉水清石磷磷天涯遠鄉婦月下孤舟人

長沙早春雪後臨湘水呈同遊諸子

汀洲暖漸綠煙景淡相和舉目方如此歸心豈奈何日
華浮野雪春色染湘波北渚生芳草東風變舊柯江山
古思遠猿鳥暮情多君問漁人意滄浪自有歌

自道林寺西入石路至麓山寺過法崇禪師故
居

山僧候谷口石路拂

一作掃

莓苔深入泉源去遙從樹杪

回香隨青靄散鐘過白雲來野雪空齋掩山風古殿開
桂寒知自發松老問誰栽惆悵湘江水何人更渡杯

和袁郎中破賊後軍行過剡中山水謹上太尉

即李
光弼

剡路除荆棘王師罷鼓鞶農歸滄海畔圍解赤城西
赦罪陽春發收兵太白低遠峰來馬首橫笛入猿啼
蘭渚催新幄桃源識故蹊已聞開閣待誰許卧東溪

送鄭十二

一作山人

還廬山別業

潯陽數畝宅歸卧掩柴關谷口何人待

一作在

門前秋草

閒忘

一作無

機賣藥罷無語

一作揮手

杖藜還舊筍成寒竹空

齋向暮山水流經

一作過

舍下雲去

一作起

到人間桂樹花

應發因行寄一攀

至饒州尋陶十七不在寄贈

謫宦投東道逢君已北轅
孤蓬向何處五柳不開門
去國空迴首懷賢欲訴冤
梅枝橫嶺嶠竹路過湘源
月下高秋雁天南獨夜猿
離心與流水萬里共朝昏

奉陪鄭中丞自宣州解印與諸姪宴餘干後溪

跡遠

一作心遠
一作意愜

親魚鳥功成厭鼓鼙
林中阮生集

一作阮家

醉一作阮氏集 池上謝公題戶牖垂藤合藩籬插槿齊一本無此二句

一作門徑蒼苔合窗陰綠篠低夕陽山向背春一作秋草

水東西度雨諸峰出看花幾路迷一作看竹誰家好高原幾處迷何勞

問秦漢更入武陵溪後四句一本作舊架懸藤老疎籬插槿齊風塵不可到誰羨武陵溪

塵一作煙


御定全唐詩卷一百四十八

謹案卷一百四十七第一頁前六行賤潘州南巴
尉刊本巴訛邑據唐書地理志改

卷一百四十八第十八頁後五行青青塞草春刊
本塞訛寒據別本改

第二十一頁前六行長令煙雨寒按文房集令作
吟





總校官庶吉士 臣張能照

校對官檢討 臣蕭九成

謄錄貢生 臣江長鎰

欽定四庫全書會要

集部

欽定全唐詩卷一百四十九至
五十一

臣紀昀詳校
詳校官候補通政司經歷臣郭祚熾

欽定四庫全書薈要卷一萬七千五百五十四

集部

御定全唐詩卷一百四十九

劉長卿

同諸公袁郎中宴筵喜加章服

雜
詔

詔來筵上腰金向粉闌
勲名傳舊閣
踏舞著新衣
白社同遊在滄洲
此會稀
寒筇發後殿
秋草送西歸
世難常摧敵
時間已息機
魯連功可讓
千載一相揮

一作輝

毘陵送鄒結

一作紹

先赴河南充判官

王事相逢少雲山奈別何芳年臨水怨瓜步上潮過客
路方經楚鄉心共渡河凋殘春草在離亂故城多罷戰
逢時秦輕徭佇俗和東西此分手惆悵恨煙波

送徐大夫赴廣州

上將壇場拜南荒羽檄招遠人來百越元老事三朝霧
繞龍山暗山連象郡一作嶺送路分江淼淼軍動馬蕭蕭
畫角知秋氣樓船逐暮潮當令輸貢賦一作職不使外夷

驕

九日題蔡國公主樓

主第人何在重陽客暫尋
水餘龍鏡色雲罷鳳簫音
暗牖藏昏曉一作旦蒼苔換古今
晴山卷幔出秋草閉門深
籬菊仍新吐庭槐尚舊陰
年年畫梁燕來去豈無心

送荀八過山陰

一作訪

舊縣

一作任

兼寄剡中諸官

訪舊山陰縣扁舟到海涯
故林嗟滿歲春草憶佳期
晚景干峰亂晴江一鳥遲
桂香畱客處楓暗泊舟時
舊石

曹娥篆空山夏禹

一作禹帝

祠剡溪多隱吏君去

一作爲

道相

長一作思

奉餞元侍郎加豫章採訪兼賜章服

時初傳節度

任重兼烏府時平偃豹韜
澄清湘水變分別楚山高花
對彤襜發霜和白雪操黃金
裝舊馬青草換新袍嶺暗
猿啼月江寒鷺映濤豫章
生宇下無使翳蓬蒿

奉餞郎中四兄罷餘杭太守承恩加侍御史充
行軍司馬赴汝南行營

星使三江上天波萬里通
權分金節重恩借鐵冠雄
梅

吹前軍發棠陰舊府空殘春錦障外初日羽旗東岍柳
遮浮鷁江花隔避驄離心在何處芳草滿吳宮

送賈侍御克復後入京

一作江南送
賈侍御入京

對酒心不樂見君動行舟回看暮帆隱獨向空江愁晴
雲淡初夜春塘深慢流溫顏風霜霽喜氣煙塵收馳駟
數千里朝天十二樓因之

一作
云

報親愛白髮生滄洲

會稽王處士草堂壁畫衡霍諸山

粉壁

一作
愛此

衡霍近羣峰

一作
卷簾

如可攀能令堂上客見盡

湖一作相

南山青翠數千仞

一作千萬狀

飛來方丈間歸雲無

處滅去鳥何時還勝事日相對主人常獨閒
稍看林壑

晚

一作青陰滿四壁

佳氣生重關

一本此下有頗與宿心會看看慰愁顏二句

惠福寺與陳留諸官茶會

得西字

到此機事遣自嫌塵網迷因知萬法幻盡與浮雲齊
疎

竹映高枕空花隨杖藜香飄諸天外日隱雙林西
傲

一作

微吏方見狎真僧幸相攜能令歸客意不復還東溪

金陵西泊舟臨江樓

蕭條金陵郭舊是帝王州日暮望鄉處雲邊江樹秋楚
雲不可託楚水只堪愁行客千萬里滄波朝暮流迢迢
洛陽夢獨臥清川樓異鄉共如此孤帆難久遊

題靈祐上人法華院木蘭花

其樹嶺南
移植此地

庭種南中樹年華幾度新已依初地長獨發舊園春映
日成華蓋搖風散錦茵色空榮落處香醉往來人莖首
千燈遍芳菲一雨均高柯儻爲檝渡海有良因

宿嚴維宅送包佶

一作皇
甫冉詩

江湖同避地分首自依依
盡室今爲客驚秋空念歸歲
儲無別墅寒服羨鄰機
草色村橋晚蟬聲江樹稀
夜深宜共醉時難忍相違
何事隨陽雁汀洲忽背飛

送從弟貶袁州

一作皇甫冉詩題作
送從弟豫貶遠州

何事成遷客思歸不見鄉
遊吳經萬里弔屈向三湘
水與荆巫接山通鄢郢長
名羞一作嗟黃綬繫身是白眉郎
獨結南枝恨應思北雁行
憂來沽楚酒老鬢莫凝霜

無錫東郭送友人遊越

客路風霜曉郊原春興餘平蕪不可望遊子去何如煙
水乘湖濶雲山適越初舊都懷作賦古穴覓藏書碑缺
曹娥宅林荒逸少居江湖無限意非獨爲樵漁

送邵州判官往南

一作皇甫冉詩

看君發原隰四牡志

一作去

皇皇始罷滄江令還隨粉署

郎海沂軍未息河兗歲仍荒征稅人全少榛蕪虜近亡
新知行宋遠相望隔淮長早晚裁書寄銀鈎佇八行

出豐縣界寄韓明府

回首古原上未能辭舊鄉西風收暮雨隱隱分芒碭賢
友此爲邑令名滿徐方音容想在眼暫若升琴堂疲馬
顧春草行人看夕陽自非傳尺素誰爲論中腸

別陳留諸官

一作公

戀此東道主能令西上遲徘徊暮郊別惆悵秋風時上
國邈千里夷門難再期行人望落日歸馬嘶空陂不愧
寶刀贈維懷瓊樹枝音塵倘未接夢寐徒相思

觀李湊

一作湊

所畫美人障子

愛爾含天姿丹青有殊智無間已得象象外更生意西
子不可見千載無重還空令浣沙態猶在含毫間一笑
豈易得雙蛾如有情窗風不舉袖但覺羅衣輕華堂翠
幕春風來內閣金屏曙色開此中一見亂人目一作只
眼

疑行到雲

一作行
雨到

陽臺

洪邁取末四
句作絕句

送史判官奏事之靈武兼寄巴西親故

中州日紛梗天地何時泰獨有西歸心遙懸夕陽外故
人奉章奏此去論利害陽雁南渡江征驂去相背因君

欲寄遠何處問親愛空使滄洲人相思減衣帶

自鄱陽還道中寄褚徵君

南風日夜起萬里孤帆漾元氣連洞庭夕陽落波上故人煙水隔復此遙相望江信久寂寥楚雲獨惆悵愛君清川口弄月時權唱白首無子孫一生自踈曠

石梁湖有寄

一作懷
陸兼

故人千里道滄波十一作年別夜上明月樓相思楚天

濶瀟瀟清秋暮娟娟涼風發湖色淡不流沙鷗遠還滅

煙波日已遠音問日已絕
歲晏空含情江臯綠芳歇

送沈少府之任淮南

惜君滯南楚枳棘徒棲鳳
獨與千里帆春風遠相送
此行山水好時物亦應衆
一鳥飛長淮百花滿雲夢
相期丹霄路遙聽清風
頌勿爲州縣卑時來自爲用

嚴子瀨東送馬處直歸蘇

一本有州字

望君舟已遠落日潮未退
目送滄海帆人行白雲外
江中遠回首波上生微靄
秋色姑蘇臺寒流子陵瀨
相送

苦易散動別知難會從此日相思空令減衣帶

宿懷仁縣南湖寄東海荀處士

向夕歛微雨晴開湖上天離人正惆悵新月愁嬋娟佇
立白沙曲相思滄海邊浮雲自來去此意誰能傳一水
不相見干峰隨客船寒塘起孤雁夜色分鹽田時復一
延首憶君如眼前

初至洞庭懷瀟陵別業

長安邈千里日夕懷雙闕已是洞庭人猶看瀟陵月誰

堪去鄉意親戚想天末昨夜夢中歸煙波覺來濶江皋
見芳草孤客心欲絕豈訝青春來但傷經時別長天不
可望鳥與浮雲沒

題蕭郎中開元寺新構幽寂亭

康樂愛山水賞心千載同結茅依翠微伐木開蒙籠孤
峰倚青霄一徑去不窮候客石苔上禮僧雲樹中曠然
見滄洲自遠來清風五馬留谷口雙旌薄煙虹沈沈衆
香積眇眇諸天空獨往應未遂蒼生思謝公

同姜濬題裴式微餘干東齋

世事終成夢，生涯欲半過。
白雲心已矣，滄海意如何。
藜杖全吾道，榴花養太和。
春風騎馬醉，江月釣魚歌。
散帙看蟲蠹，開門見雀羅。
遠山終日在，芳草傍人多。
吏體莊生傲，方言楚俗譌。
屈平君莫弔，腸斷洞庭波。

贈元容州

擁旌臨合浦，上印臥長沙。
海徼長無戍，湘山獨種畬。
政傳通歲貢，才惜過年華。
萬里依孤劍，干峰寄一家。
累徵

期旦暮未起戀煙霞避世歌芝草休官醉菊花舊遊如
夢裏此別是天涯何事滄波上漂漂逐海槎

夏口送長寧楊明府歸荆南因寄幕府諸公

關西楊太尉千載德猶聞白日俱終老清風獨至君身
承遠祖遺一作後才出衆人羣舉世貪荆玉全家戀楚雲

向煙帆杳杳臨水葉紛紛草覆昭丘綠江從夏口分高
名光盛府異姓寵殊勲百越今無事南征欲罷軍

奉和杜相公新移長興宅呈元相公

間世生賢宰同心奉至尊功高開北第機靜灌中園入
並蟬冠影歸分騎士喧窗聞漢宮漏家識杜陵源獻替
常焚藁優一作清閒獨對萱花香逐荀令草色對王孫有
地先開閣何人不掃門江湖難自退明主託元元

湖南使還留辭辛大夫

王師勞近甸兵食仰諸侯天子無南顧元勳在上游大
才生間氣盛業拯橫流風景隨搖筆山川入運籌羽觴
交餞席旌節對歸舟鶯識春深恨猿知日去愁別離花

寂寂南北水悠悠唯有家兼

將一作

國終身共

實一作

所憂

泛曲阿後湖簡同遊諸公

元氣浮積水沈沈深不流
春風萬頃綠映帶至徐州
爲客難適意逢君方暫遊
黃綠白蘋際日暮滄浪舟
渡口微月進林西殘雨收
水雲去仍濕沙鶴鳴相留
且習子陵隱能忘生事憂
此中深有意非爲釣魚鉤

北遊酬孟雲卿見寄

忽忽忘前事事願能相乖
衣馬日羸弊誰辨行與才
善

道居貧賤潔服蒙塵埃行行無定止懷坎難歸來慈母
憂疾疹室家念棲萊幸君夙姻親深見中外懷俟子惜
時節悵望臨高臺

冬夜宿揚州開元寺烈公房送李侍御之江東

遷客投百越窮陰淮海凝中原馳困獸萬里棲飢鷹寂

寂連一作蓮宇下愛君心自弘空堂來霜氣永夜清明燈

發後望煙水相思勞寢興暮帆背楚郭江色浮金陵此
去爾何恨近名予未能爐峰若便道爲訪東林僧

南楚懷古

南國久蕪沒

一作漫

我來

一作生

空鬱陶君看章華宮處處

生蓬

一作黃

蒿但見陵與谷豈知賢與豪精魂托古木寶

劍捐江臯倚棹下晴景回舟隨晚濤碧雲暮寥落湖上

秋

一作青

天高往事那堪問此心徒自勞獨餘湘水上干

載聞離騷

上湖田館南樓憶朱晏

漂泊日復日洞庭今更秋白雲如有意萬里望孤舟何

事愛成別空令登此樓天光映波動月影隨江流鶴唳
靜寒渚猿啼深夜洲歸期誠已促清景仍相留頃者慕
獨往爾來悲遠遊風波自此去桂水空離憂

送姚八之句容舊任便歸江南

一作送姚
八歸江南

故人還水國春色動離憂碧草千萬里滄江朝暮流桃
花迷舊路萍葉蕩歸舟遠戍看京口空城問石頭折芳
佳麗地望月西南樓猿鳥共孤嶼煙波連數州誰家過
楚老何處戀江鷗尺素能相報湖山若箇憂

睢陽贈李司倉

白雲變時候，蒼聲暮啾啾。
飄飄洛陽客，惆悵梁園秋。
只爲乏生計，爾來成遠遊。
一身不家食，萬事從人求。
且喜接餘論，足堪資小留。
寒城落日後，砧杵令人愁。
歸路歲時盡，長河朝夕流。
非君深意願，誰復能相憂。

杪秋洞庭中懷亡道士謝太虛

漂泊日復日，洞庭今更秋。
青楓亦何意，此夜催人愁。
惆悵客中月，徘徊江上樓。
心知楚天遠，目送滄波流。

一作流

羽客久已歿，微言無處求。空餘白雲在，容與隨孤舟。干里杳難望，一身當獨遊。故園復何許，江海徒一作此遲留。

同郭參謀詠崔僕射淮南節度使廳前竹

一作和郭

參謀詠崔令

公庭前竹

昔種梁王苑，今移漢將壇。

一作不學媚清瀾，能依上將壇。

蒙籠

一作朦朧低

冤過青翠

一作舊

捲簾看得地，移根遠經霜。抱節難開花。

成鳳實嫩，筍長魚竿藹藹。軍容靜蕭蕭，郡宇寬細音和。

角暮

一作響

疎影上門寒，湘浦何年變。

一作阮巷何人在

山陽

一作

梁幾處殘不知一作空餘軒屏側歲晚對衰一作伴任安

硤石遇雨宴前主簿從兄子英宅

縣城蒼翠裏客路兩崖開硤石雲漠漠東風吹雨來吾
兄此爲吏薄官知無媒方寸抱秦鏡聲名傳楚材折腰
五斗間僂俛隨塵埃秩滿少餘俸家貧仍散財誰言次
東道暫預傾金罍雖欲少留此其如歸限催

江中晚釣寄荆南一二相識一作西江雨後憶荆南諸公

楚郭一作國又微雨收荆門遥一作看在目漾舟水雲裏

日暮春江一作江山綠
霄華靜洲渚暝一作夜
色連松一作杉竹

月出波上時人歸渡頭宿
一身已無累萬事更何欲
漁

父自夷一作蠻猶一作綠白鷗不羈束
既憐滄浪水復一作更愛滄

浪曲不見眼中人
相思心斷續一作垂釣看世人
那知此生足

九日岳陽待黃遂張渙

別君頗已久離念與時積
楚水空一作共浮一作秋煙江樓

望歸客徘徊正佇想
髮髻如暫覲心目徒自親
風波尚

相隔青林泊舟處
猿鳥愁孤驛遙見郭外山
蒼然雨中

夕季鷹久踈曠叔度早疇昔反擢來何遲黃花候君摘
題王少府堯山隱處簡陸鄱陽

故人滄洲吏深與世情薄解印二十年委身在丘壑買
田楚山下妻子自耕鑿羣動心有營孤雲本無著因收
谿上釣遂接林中酌對酒春日長山村杏花落陸生鄱
陽令獨步建溪作早晚休此官隨君永棲託

晚次湖口有懷

靄然空水合目極平江暮南望天無涯孤帆落何處頃

爲衡湘客頗見湖山

一作相

趣朝氣和楚雲多陽映江樹

帝鄉勞想望萬里心來去白髮生扁舟滄波滿歸

一作歸滿

路秋風今已至日夜雁南度木葉辭洞庭紛紛落無一作

不數知

陪元侍御郎

一作郎

遊支硎山寺

支公去已久寂寞龍華會古木閉空山蒼然暮相對林
巒非一狀水石有餘態密竹藏晦明羣峰爭向背峰峰
帶落日步步入青靄香氣空翠中猿聲暮雲外留連南

臺客想像西方內，因逐溪水還觀心。兩無礙。

桂陽西州晚泊古橋村住

一作主人

洛陽別離久，江上心可得。惆悵增暮情，瀟湘復秋色。故山隔何處，落日羨歸翼。滄海空自流，白鷗不相識。悲蛩滿荆渚，輟櫂徒沾臆。行客念寒衣，主人愁夜織。帝鄉片雲去，遙寄千里憶。南路隨天長，征帆杳無極。

夕次檐石湖夢洛陽親故

天涯望不盡，日暮愁獨去。萬里雲海空，孤帆向何處。寄

身煙波裏頗得湖山趣江氣和楚雲秋聲亂楓樹如何
異鄉縣日復懷親故遙與洛陽人相逢夢中路不堪明
月裏更值清秋暮倚棹對滄波歸心共誰語

按覆後歸睦州贈苗侍御

地遠心難達天高謗易成羊腸留覆轍虎口脫餘生直
氏偷金枉于家決獄明一言知己重片議殺身輕日下
人誰憶天涯客獨行年光銷蹇步秋氣入衰情建德知
何在長江問去程孤舟百口渡萬里一猿聲落日開鄉

路空山向郡城豈令冤氣積千古在長平

奉寄婺州李使君舍人

建隼罷鳴珂初傳來暮歌漁樵識太古草樹得陽和東
道諸生從南依遠客過天清婺女出土厚絳人多永日
空相望流年復幾何崖開當夕照葉去逐寒波眼暗經
難受身閒劔懶磨似鴉一作鵬占賈誼上馬試廉頗窮分
安藜藿衰容勝薜蘿只應隨越鳥南翥託高柯

哭魏兼遂

公及孀妻幼子與僮數人相次亡歿葬於丹陽

古今俱此去脩短竟誰分樽酒空如在絃琴肯重聞一
門同逝水萬事共浮雲舊館何人宅空山遠客墳艱危
貧且共少小秀而文獨行依窮巷全身出亂軍歲時常
寂寞煙月自氛一作氤氳樹隨人古山門對日曛汎舟
悲向子留劍贈徐君來去雲陽路傷心江水清

負謫後登干越亭作

天南

一作南天

愁望絕亭上柳條新落日獨歸鳥孤舟何處

人生涯投越

一作嶺

徼世業陷胡

一作邊

塵杳杳鍾陵暮悠

悠都水春一作江入干峰秦臺悲一作憐白首楚澤水一作暮花連百越春

怨青蘋草色迷征路鶯聲傷一作傍逐臣一本無此四句獨醒空

一作翻取笑直道不容身得罪風霜苦全生天地仁青山

數行淚滄海一窮鱗牢落機心盡惟憐鷗鳥親一作流落誰相

識空將鷗鷺親

留題李明府雲溪水堂

寥寥一作寂寂此堂上幽意復誰論落日無王事青山在縣

門雲峰向高枕漁釣入前軒晚竹疎簾影春苔一作雙苔生

履痕荷香隨坐臥湖色映晨昏虛牖閒生白鳴琴靜對
言暮禽飛上下春水一作草帶清渾遠岫誰家柳孤煙何
處村謫居投瘴癘離思過湘沅從此扁舟去誰堪江浦
猿

入白沙渚齋緣二十五里至石窟山下懷天台

陸山人

遠嶼一作渚靄將夕玩幽行自遲歸人不計日流水閒相

隨輟櫂古一作石崖口捫蘿春景遲偶因回舟次寧與前

山期對此瑤草色懷君瓊樹枝浮雲去寂寞白鳥相因
依何事愛高隱但令勞遠思窮年臥海嶠永望愁天涯
吾亦從此一作君去扁舟何所之迢迢江上帆千里東風
吹

禪智寺上方懷演和尚寺即和尚所創

絕巘東林寺高僧惠遠公買園隋苑下持一作捧鉢楚城

中斗極干燈近煙波萬井通遠山低月殿寒木露花宮

紺宇焚一作燒香淨滄洲擺一作罷霧空鴈來秋色裏曙起

早潮東飛錫今何在蒼生待發蒙白雲翻送客庭樹一作

黃自辭風捨筏追開士迴舟狎釣翁平生江海意惟共

白鷗同

賈侍郎一作御自會稽使迴篇什盈卷兼蒙見寄

一首與余有挂冠之期因書數事率成十韻

江上逢星使南來自會稽驚年一葉落按俗五花嘶上
國悲蕪梗中原動鼓鞞報恩看鐵劔銜命出金閨風物
催歸緒雲峰發詠題天長百越外湖上小江西鳥道通

閩嶺山光落剡溪暮帆千里思秋夜一猿啼柏樹榮新
壠桃源憶故蹊若能爲休去

一作若爲
能去此

行復草萋萋

秋日夏口涉漢陽獻李相公

日望衡門處心知漢水清偶乘青雀舫還在白鷗羣間
氣生靈秀先朝翼戴勲藏弓身已退焚藁事難聞舊業
成青草全家寄白雲松蘿長稚子風景逐新文山帶寒
城出江依古岸分楚歌悲遠客羌笛怨孤軍鼎罷調梅
久門看種藥勤十年猶去國黃葉又紛紛

歸沛縣道中晚泊留侯城

訪古此城下子房安在哉
白雲去不反危堞空崔嵬
伊昔楚漢時頗聞經濟才
運籌風塵下能使天地開
蔓草日已積長松日已摧
功名滿青史祠廟唯蒼苔
百里暮程遠孤舟川上迴
進帆東風便轉岼前山來
楚水澹相引沙鷗閒不猜
扣舷從此去延首仍裴回

關門望華山

客路瞻太華三峰高際天
夏雲亘百里合沓遙相連
雷

雨飛半腹太陽在其巔翠微關上近瀑布林梢懸愛此
衆容秀能令西望徧徘徊忘暝色泱泱成陰煙曾是朝
百靈亦聞會羣仙瓊漿豈易挹毛女非空傳髣髴仍佇
想幽期如眼前金天有青清一作廟松柏隱蒼然

奉陪蕭使君入鮑達洞尋靈山寺

山居秋更鮮秋江相映碧獨臨滄洲路如待挂帆客遂
使康樂侯披榛著雙屐入雲開嶺道永日尋泉脉古寺
隱青冥空中寒磬夕蒼苔絕行徑飛鳥無去跡樹杪下

歸人水聲過幽石任情趣逾遠移步竒屢易蘿木靜蒙
蒙風煙深寂寂徘徊未能去畏共桃源隔

孫權故城下懷古兼送友人歸建業

雄圖爭割據神器終不守上下武昌城長江竟何有古
來壯臺榭事往悲陵阜寥落幾家人猶依數株柳威靈
絕想像蕪沒空林藪野徑春草中郊扉夕陽後逢君從
此去背楚方東走煙際指金陵潮時過湓口行人已何
在臨水徒揮手惆悵不能歸孤帆沒雲久

宿雙峰寺寄盧七李十六

寥寥禪誦處滿室蟲絲結獨與山中人無心生復滅徘徊雙峰下惆悵雙峰月杳杳暮猿深蒼蒼古松列玩竒不可盡漸遠更幽絕林暗僧獨歸石寒泉且咽竹房響輕吹蘿徑陰餘雪臥澗曉何遲背巖春未發此遊誠多趣獨往共誰閱得意空自歸非君豈能說

京口懷洛陽舊居兼寄廣陵二三知己

川濶悲無梁藹然滄波夕天涯一飛鳥日暮南徐客氣

混京口雲潮吞海門石孤帆候風進夜色帶江白一水

阻佳期相望空脉脉那堪歲芳盡更使春夢積故國一作

園胡塵飛遠一作山一作楚雲隔家人想何在庭草爲

誰碧惆悵空傷情一作滄浪有餘一作跡嚴陵七里灘

攜手同所適

登揚州栖靈一作寺塔

西巖

北塔凌空虛雄觀壓川澤亭亭楚雲外千里看不隔遙
對黃金臺浮輝亂相射盤梯接元氣半壁樓夜魄稍登

諸劫盡若騁排霄一作霜 翮向是滄洲人已爲青雲客雨

飛千栱霽日在萬家夕鳥處高却低天涯遠如迫江流
入空翠海嶠現微碧向暮期下來誰堪復行役

湖上遇鄭田

故人青雲器何意常窘迫三一作五 十猶布衣憐君頭已

白誰言此相見暫得話疇昔舊業今已蕪還鄉返爲客

扁舟伊獨往斗酒君自適滄洲一作海 不可涯孤帆去無

跡杯中忽復醉湖上生月一作新 魄湛湛江色寒濛濛水

雲夕風波易迢遞千里如咫尺回首人已遙南看楚天
隔

雨中登沛縣樓贈表兄郭少府

楚澤秋更遠雲雷有時作晚陂帶殘雨白水昏漠漠佇
立收煙氛洗然靜寥廓卷簾高樓上萬里看日落爲客
頻改弦辭家尚如昨故山今不見此鳥那可託小邑務
常閒吾兄宦何薄高標青雲器獨立滄江鶴惠愛原上
情慙勲丘中諾何當遂良願歸臥青山郭

灞東晚晴簡同行薛稷朱訓

客心豁初霽霽色暝玄灞西向看夕陽瞳瞳映桑柘二
賢誠逸足千里陪征駕古樹枳道傍人煙杜陵下伊余
在羈束且復隨造化好道當有心營生苦無暇高賢幸
茲偶英達窮王霸迨滯客王程裒回主人夜一薰知異
質片玉誰齊價同結丘中綠塵埃自茲謝

對雨贈濟陰馬少府考城蔣少府兼獻成武五
兄南華二兄

繁雲兼家思彌望連濟北日暮微雨中州城帶秋色蕭
條主人靜落葉飛不息鄉夢寒更頻蟲聲夜相逼二賢
縱橫器久滯徒勞職笑語和風騷雍容事文墨吾兄即
時彥前路良未測秋水百丈清寒松一枝直此心欲引
託誰爲生羽翼且復頓歸鞍杯中雪胸臆

李侍御河北使回至東京相訪

故人南臺秀夙擅中朝美擁傳從北來飛霜日千里貧
居幸相訪顧我柴門裏却訝繡衣人仍交布衣士王程

遠爾迫別戀從此始濁酒未暇斟清丈頗垂示回瞻驄
馬速但見行塵起日暮汀洲寒春風渡流水草色官道
邊桃花御溝裏天涯一鳥夕惆悵知何已

吳中聞潼關失守因奉寄淮南蕭判官

一一作早鴈飛吳天羈人傷暮律松江風嫋嫋波上片帆

疾木落姑蘇臺霜收洞庭橘蕭條長洲外唯見寒山出
胡馬嘶秦雲漢兵亂相失關中因竊據天下共憂慄南
楚有瓊枝相思怨瑤瑟一身寄滄洲萬里看白日赴敵

甘負戈論兵勇投筆臨風但攘臂擇木將委質不如歸
遠山雲臥飯松粟

哭張員外繼公及夫人相

次没于洪州

慟哭鍾陵下東流與別離二星來不返雙劍沒相隨獨
繼先賢傳誰刊有道碑故園荒峴曲旅櫬寄天涯白簡
曾連拜滄洲每共思撫孤憐齒稭歎逝顧身衰泉壤成
終古雲山若在時秋風鄰笛發寒日寢門悲世難愁歸
路家貧緩葬期舊賓傷未散夕臨咽常遲自此辭張邵

何由見戴逵獨聞山吏部流涕訪孤兒

登東海龍興寺高頂望海簡演公

胸山壓海口永望開禪宮元氣遠相合太陽生其中
豁然萬里餘獨爲百川雄白波走雷電黑霧藏魚龍變化
非一狀晴明分衆容煙開秦帝橋隱隱橫殘虹蓬島如
在眼羽人那可逢偶聞真僧言甚與靜者同幽意頗相
愜賞心殊未窮花間午時梵雲外春山鐘誰念遽成別
自憐歸所從他時相憶處惆悵西南峯

奉送從兄罷官之淮南

何事浮溟渤元戎棄鎬鉶
漁竿吾道在鷗鳥世情賒
玄髮他鄉換滄洲此路遐
沂沿隨桂檝醒醉任松華
離別誰堪道艱危更可嗟
兵鋒搖海內王命隔天涯
鐘漏移長樂衣冠接永嘉
還當拂氛祲那復臥雲霞
溪路漫岡轉夕陽歸鳥斜
萬艘江縣郭一樹海人家
揮袂看朱紱揚帆指白沙
春風獨迴首愁思極如麻

落第贈楊侍御兼拜員外仍充安大夫判官赴

范陽

職副旌旄重才兼識量通使車遥肅物邊策遠和戎擲
地金聲著從軍寶劍雄官成稽古力名達濟時功肅穆
烏臺上雍容粉署中含香初待漏持簡舊生風黠吏偏
驚隼貪夫輒避驄且知榮已隔誰謂道仍同念舊追連
茹謀生任轉蓬泣連三獻玉瘡懼再傷弓戀土函關外
瞻塵一作雲灞水東他時書一札猶冀問途窮

初貶南巴至鄱陽題李嘉祐江亭

巴嶠南行遠

一作南出
巴人嶠

長江萬里隨不才甘謫去流水

亦何之

一作知

地遠明君棄

一作瘴近
餘生怯

天高酷吏欺青山

獨往路芳草未歸時流落還相見悲懽話所思猜嫌

一作

讒傷意改愁暮向江離柳色迎高塢荷衣照下帷

一本無此

二水雲初起重暮鳥遠來遲白首

一作淚盡

看長劍滄洲一作

心寄釣絲沙鷗驚小吏湖月上高枝

一本無此二句

稚子能吳

語新文怨楚辭憐君不得意川谷自逶迤

一作容髮
老南枝

自紫陽觀至華陽洞宿侯尊師草堂簡同遊李

延年一作陵

石門

一作林

媚煙景句曲盤江甸南向佳氣濃數峰遙隱

見漸臨華陽口雲路入蔥蒨七曜懸洞宮五雲抱仙殿
銀函竟誰發金液徒堪薦千載空桃花秦人深不見東
溪喜相遇貞白如會面青鳥來去間紅霞朝夕變一從
換仙骨萬里乘飛電蘿月延步虛松花醉閒宴幽人即
長往茂宰應交戰明發歸琴堂知君嬾爲縣

御定全唐詩卷一百四十九